



Universitätsbibliothek Paderborn

Dormi Secvre: Vel Cynosvra Professorvm Ac Stvdiosorvm Eloqventiæ,

in qua Centvm Et Viginti Themata Oratoria. Non Solvm Stvdiosis, Sed &
Professoribus eloquentiæ, ac pietatis veræ amantibus utilissima &
pernecessaria explicantur ; Cum Indice rerum atq[ue] verborum locupleti

Tympe, Matthäus

Coloniæ Agrippinæ, 1650

V. No[n] exclude[n]dos prorsus esse ab honoribus ac Magistratu novos,
aut obscuro loco natos.

urn:nbn:de:hbz:466:1-39028

12 AD HONORES ADMITTEND. ESSE

VI. *Iterum à turpi.* Nimis servum servitium est mulierib. obedire, & ubi hæ imperant non modò à libertate, sed etiam servitute homines degenerant (*Tacit. de moribus German.*) Hinc Deus quoties nominis sui hostes ulturum sese minitatur, fœminarum imperiis eos subditos fore minitatur, quasi malorum omnium extremū illud sit. (*Isa. 8.*)

In EPILOGO *horaberis Auditores*, ut prudentes fœminas debito quidem honore afficiant, sed nullas, quantulacunque etiam sit copia virorum, ad rerum administrationem admittant, seu sibi præficiant.

V. *NON EXCLVDENDOS PRORSVS esse ab honoribus ac Magistratu novos, aut obscuro loco natos.*

IN EXORDIO *fateberis*, in Magistratibus committendis, & officiis mandandis ad genus respiciendum, seu familiæ rationem habendam esse, cum non solum præclarus ac magnificus thesaurus sit liberorum, parentum virtus, nobilitas & gloria, si ea homines non abutantur: sed insit quoq; in illa vis admirabilis, & occulta propagandæ ac in stirpē derivandæ virtutis. (*Plato in Menexeno, Plut. de lib. educ.*) Hinc qui antiquo à semine bonorum genus ducunt, nihil esse turpius arbitrantur, quàm parentum & majorum gloriam dilapidare, & occasionem laudis quærere non ex seipso, sed majorum gloria. Norunt enim etiam levia delicta in nobilibus observari: quemadmodum majori sunt dedecori verrucæ in facie, quàm nævi aliis in membris, quæ teguntur. (*Plut. de gerend. Rep.*) Præterea splendor ac majestas singularis Reip. accedit, cum ad gubernacula nobiles sedent, in quibus singularis virtus ac generis splendor lucet. (*Arist. 3. Polit. c. 8.*) Itaque apud Spartanos, Athenienses, Corinthios, more receptum fuit, ut penes notas familias, & qui-

quidem nobiles regiae dignitates, officia publica alia essent (*Herod. l. 5. Pausan. lib. 1. Strabo lib. 8.*)

In PROPOSITIONE dices, quod licet haec recte sese habeant, tamen certum tibi sit probare non excludendos prorsus ab honoribus esse homines obscuros ac novos.

CONFIRMATIONIS I. RATIO ab Exemplis. SAUL patris sui aſinas amiſſas quaerens, Rex ungitur: DAVID pascens oves. (*1. Reg. 10. & 16.*) Cum AMASIS apud Aegyptios pauper & obscurus ad regium culmen perveniſſet, eoque nomine contemneretur a suis, ex aureo vase, quod turpes ad usus fervierat, Jovis simulachrum confecit, confectumque collocavit in urbis eminentissimo loco. Quod cum religiosissime coleretur, simulachrum ex eo conflatum esse dixit, in quo prius pedes Aegyptii lavabant, nunc autem religiosissime coli: idem sibi contingere, qui prius plebeius, nunc eorum Rex esset. (*Herod. lib. 2.*) Cum Iphicrati, patre futuro nato, generis ab Harmodio obscuritas objiceretur, Meum, respondit, a me ipso genus initium sumit, tuum autem in te desinit. (*Plut.*) TULLUS HOSTILIUS pastor, quartus Romanorum Rex est creatus. (*Liv. lib. 1.*) L. TARQUINIUS PRISCUS, mercatoris filius, Romae quintus Rex est factus. (*Ibid.*) Servius Tullius, ancillae filius, recte & laudabiliter Romae imperium gubernavit. (*Ibid.*) TERENTIUS VARRO, Lanii filius, Consul Romae factus est. (*Val. Max. l. 3.*) M. PORTIUS CATO ignobili loco ignobilis ortus, optimus & Senator, & Imperator, & Orator est habitus. (*Plut.*) C. MARIUS loco humili obscuroque natus septies Romae Consul est factus. (*Idem*) M. TULLIUS homo novus, in consulatu multis aliis praelatus, Pater Patriae dictus est. (*Idem & ipse 2. Agrar. & pro Sylla.*) AUGUSTI Imp proavus Restio, avus argentarius fuit (*Suet.*) DIOCLETIANUS scribae filius (*Pomp. Latus, Aurel. Vict.*) GALERIUS MAXI-

74 AD HONORES ADMITTEND. ESSE

MAXIMIANUS, parentibus agrariis prognatus, pastor primum armentorum fuit. (*Cuspin.*) BAMBABARATRO ad principatum euectus, & in Regem Hispaniarum electus est. (*Ritius lib. 2. Regum Hisp.*) PRÆMISLAUS rusticus Bohemorum Rex factus est. (*Cromer. lib. 2.*) PIASUS, agricultura & mellificio vitam sustentans, Polonorum sceptrum obtinuit, (*Ibid.*)

II. à more Dei: is enim suscitatur à terra inopem & de stercore erigit pauperem. (*Psal. 112.*) JOSEPHUM è carcere euehit ad honores & dignitates: (*Gen. 41.*) GEDONEM frumenta purgantem, (*Iudic. 6.*) DANIELEM captivum, (*Dan. 8.*) MARDOCHEUM contemptum, & ad mortem condemnatum (*Esther. 10.*)

III. ab iis, quæ in Magistratu legendi spectanda sunt: maximè enim in eo virtutis habenda est ratio: (*Plato in Menexeno.*) neque tam homines, quàm hominum actiones consideranda sunt.

IV. à commodis, Cum etiam tenuioris conditionis homines promovetur, oritur amor & benevolentia civium in Magistratus, & excitatur virtutis studium, & diligentia in rebus peragendis.

V. ab incommodis. Qui præter genus nihil habent, non virtute præditi, nec doctrina tincti sunt ad gubernacula adhibiti, nõ plus prosunt, quàm obsoniorum fumus inanis ad corpus nutriendum prodest, qui tantum nares provocat.

VI. à παρεμβάσεις (*digressione*) filiorum magnorum virorum. (*Heroum filii noxæ, seu παρεμβασιν faciunt, hoc est, deficiunt*) Multi enim sunt degeneres, qui genero sissimarum imaginum decus, in aliquod dedecus devolvunt, & lucem à majoribus acceptam in tenebras converrunt. (*Valer. lib. 3.*) Fiunt autem digressiones tales, vel indulgenti educatione apud parentes, qui φιλοσοφία ardentiori utuntur, vel institutione negligenti apud publicis negotiis occupatos. (*Plut. de educ. lib.*)

In EPILOGO dices, iis qui solis reb⁹ gestis ac me-
 ritis majorum ac parentum suorum freti honores
 ac officia petunt, respondendum esse quod Anti-
 gonus II. adolescenti cuidam respondit, qui patris
 fortis, ipse non fortis, stipendium petiit: *Ὀτι πατ-
 ρίας ἀπὸ ἀνδραγαθίας ἐστίν:* non ob patrias, sed pro-
 prias cuiusque viri virtutes mercedem ac munera
 dare soleo. (*Plut. in Apoph.*) cum verò veteris pro-
 sapiæ multarumq; imaginum homines in obscuris
 virtutem despiciunt, dicendum quod apud Salu-
 stium Marius dicit: tales semetipfos ac majores su-
 os despiciere, quibus etiam ex virtute aliquando
 nobilitas cœpit. (*In bello Iugurth.*)

VI. MAIORES MAGISTRATUS NON
 debere esse annuos atq; ambulatorios, ut
 minores, sed perpetuos.

IN EXORDIO fateberis, minores magistratus de-
 bere esse annuos & mutabiles, ne ad fastum, ac
 tentandas res novas extollantur, & ut honores
 non paucis, sed plurimis civibus pro suis meritis
 tribuantur, atq; ita invidia tollatur, & seditionum
 ac discordiarum fibræ evellantur.

In PROPOSITIONE: Te probaturum majores
 magistratus debere esse perpetuos.

CONFIRMATIONIS I. RATIO *ab incommodis mu-
 tabilis Magistratus*: PRIMÒ, quia omnis in Rep.
 mutatio solet esse perniciofa: & ut in corpore vi-
 ctus ratio mutata parum prodest, ita Magistratu-
 um in Rep. mutatio nequaquam eidem commo-
 dat: cum à Magistratibus novis nova consilia, no-
 vae leges, nova rerum omnium facies ad Remp.
 soleat promanare. (*Arist. 2. Polit. c. 6.*) SECUNDÒ,
 annui Magistratus, ac paucò tempore circumscri-
 pti hoc habent, ut cum quis aliquid in his didice-
 rit, prius decedit, quàm ejus exhibere specimen
 possit. (*Dio. lib. 52.*)